

## Ta'iala 7:

# Feutana'iga ma sauāga e fa'aaogāina ai ata

O sauāga e fa'aaogāina ai ata, pe afai lea e fa'asoa atu se ata matagā, pe fa'amata'u mai o le a fa'asoa atu lena ata, e aunoa ma se fa'atagana a le tagata o lo'o iai i totonu o le ata. O lea aga e masani ona ta'ua o le "revenge porn".

E toatasi mai le toasefulu tagata Ausetalia na feagai ma sauāga e fa'aaogāina ai ata.

O lea sauāga e mafai ai ona e lagona le fa'alumaina, fa'amāina, leai se malosi ma fefe. E mafai ona a'afia ai lou talitonuga ia te oe, soifua maloloina i le tino ma le mafaufau ma faiā ma uo, aiga ma pa'aga.

E lē tu'ua'ia fua oe pe a fa'asoa e se tasi pe taufa'amata'u e fa'asoa lou ata e aunoa ma se fa'ataganaina. E te le'i faia se mea sese ma e iai la'asaga e mafai ona e faia pe afai o lo'o tupu lenei mea ia te oe.

### O le ā le 'ata matagā?

**O le ata matagā o se ata po'o se vitio e fa'ailoa ai, foliga e fa'aali ai:**

- se itutino sā i lalo po'o le nofoi o le tagata (tusa pe o lo'o ufiufi i se ofuvae la'ititi)
- susu o le tagata (pe afai o le tagata o se tama'ita'i, po'o se fa'afafine)
- gaioiga fa'alilolilo (f.t. pe afai o lo'o tatala ese ofu o le tagata, fa'aaogāina le faleuila, taele pe o lo'o fai ni feusua'iga)
- le tagata e lē o ofuina o latou ofu fa'aletapu'iga pe fa'aleaganu'u, pe afai e masani ona latou ofuina ia ofu i nofoaga faitetele.



### Fai se lipoti ma fesili mo se fesoasoani

O oe (po'o se tasi ua e fa'atagaina e fai ma ou sui) e mafai ona lipotia i le matou vaega i le Office of the eSafety Commissioner, e fa'aaogāina ai le pepa o lo'o i luga o le matou upega tafa'ilagi [esafety.gov.au/iba](https://esafety.gov.au/iba).

Afai e te lipotia mai ia matou, o le a matou galulue ma oe ina ia taumafai e aveese le ata matagā. E ono aofia ai le avatu o fa'aaliga e aveese fa'amalosi ai mai itulau o lo'o tu'uina ai i luga lou ata matagā, pe tu'usa'o atu i le tagata na ia tu'uina i luga lou ata.

I nisi mea tutupu, matou te ono faia ni gaioiga e fa'asaga i le tagata na tu'uina i luga, pe na taufa'amata'u e tu'u i luga lou ata matagā, pe afai o se mea lenā e te mana'o matou te faia. O gaioiga e mafai ona aofia ai le tu'uina atu o lapata'iga, fa'aaliga o solitulafono ma saili se poloa'iga po'o se fa'atonuga o fa'asalaga mai le fa'amasinoga.

Ina ia matou faia se gaioiga, e tatau ona iai se feso'ota'iga ma Ausetalia. O lona uiga a lē:

- o lou nofo i Ausetalia; po'o
- le tagata lea na tu'ua i luga pe fa'amata'u mai e tu'u i luga ou ata matagā, e nofo i Ausetalia; po'o
- le ata matagā po'o le vitio o lo'o i Ausetalia.

## E faigofie ona faia se lipoti

Alu i le [esafety.gov.au/iba](https://esafety.gov.au/iba) ma kiliki le fa'amau 'report' o lo'o i le pito i lalo o le itulau.

I totonu o le pepa e fai ai le lipoti, e mana'omia ona e fa'amatala mai ia matou:

- O le ā le mea e te mana'omia ai le fesoasoani – fa'ata'ita'iga, o ni ata na tu'uina i luga o se upega tafa'ilagi pe ua fa'amata'u mai oe ina ia tu'u i luga se ata.
- Po'o ā mai oe, ina ia matou mautinoa o lo'o iai le lagolago e te mana'omia i ou lagona.
- Pe na e i lalo ifo ma le 18 tausaga i le taimi na pu'e ai le ata po'o le vitio ma po'o le ā le matua o ou tausaga o lo'o e iai nei.
- Po'o fea i luga o le upega tafa'ilagi e maua ai ia ata po'o vitio – ma ni fa'amatalaga e tele e mafai.
- O le ā le mea na tupu – e fesoasoani lea ia i matou ina ia iloilo pe iai nisi lamatiaga matou te mafai ona fesoasoani ai ia te oe ina ia pulea; fa'ata'ita'iga, po ua fa'atulagaina ni poloa'iga tau puipuiga mai sauāga o aiga.
- Pe e te iloa le tagata na faia, e aofia ai pe lelei ia te oe ona matou fa'afeso'ota'ia lena tagata (e fesoasoani lea i le matou vaega ina ia iloilo ina pe mafai ona fa'atino gaoiiga fa'asaga i le tagata na faia ia tulaga).
- O le ā se i'uga o lo'o e sailia – pe e te mana'o ia matou fesoasoani i le aveeseina o lou ata matagā, pe e te mana'o matou te faia ni gaoiiga aga'i i le tagata lea na faia, po'o mea uma e lua.
- Afai e aofia ai ma leoleo (e ono mana'omia ona tatou feso'ota'i ma i latou ina ia siaki so'o se molimau mana'omia ina ia fa'asao a o le'i matou sailia le aveesea o le ata).

E uma loa ona e lipotia mai ia matou, o le a matou feso'ota'i i le vave e mafai ai – e masani lava i totonu o le 1-2 aso faigaluega.

Afai ua tu'u i luga o feso'ota'iga televavave ou ata matagā, e mafai fo'i ona e lipoti sa'o i le auaunaga o feso'ota'iga televavave o lo'o iai – o le auala vave masani lena e ave ai i lalo ou ata mai nei auaunaga. O le tele o auaunaga i luga o feso'ota'iga televavave e iai le itulau o le Help ma le Report,

ma tu'utu'uga e fa'asāina ai ona tu'u i luga ituaiga mataupu eseese, e aofia ai ata ua fa'aaogāina mo sauāga.

E te maua nisi fa'amatalaga (i le Igilisi) i luga o la matou upega tafa'ilagi e uiga i auala e lipotia ai ni upega tafa'ilagi o i luga o feso'ota'iga televavave: [esafety.gov.au/image-based-abuse/action/remove-images-video/report-to-social-media-service-website/how-to-report-to-popular-sites](https://esafety.gov.au/image-based-abuse/action/remove-images-video/report-to-social-media-service-website/how-to-report-to-popular-sites).

## Saili se fesoasoani

Manatua! O le sauāga i luga o faiga fa'atekonolosi e lē LELEI ma e le'i mafua iā te oe. O lo'o maua le fesoasoani, ma e te lē tau feagai ma nei mea na'o oe.

Afai o e lagona e te lē o saogalemu, fa'afeso'ota'i vave leoleo ma auaunaga o fa'alavelave fa'afuase'i i le vili o **0 e Tolu (000)**.

## Afai e lē mafai ona e tautala fa'a-Peretania

Vili **0 e Tolu (000)** mai se telefoni fale ma fesili mo le 'Police', 'Fire', po'o le 'Ambulance'. Fa'atali pea i luga o le laina ma o le a fa'afeso'ota'i oe i se fa'amatalaupuu.

Afai e lē o se fa'alavelave fa'afuase'i, e tataua ona vili po'o lou alu sa'o i le ofisa o leoleo i le tou vaipanoa.

Mo nisi fesoasoani, feso'ota'i le **1800RESPECT** mai se telefoni po'o se masini o lo'o saogalemu i se taimi vave:

**1800 737 732**

[1800respect.org.au](https://1800respect.org.au)

E ofo atu e le **1800RESPECT** mo le 24 itula, e leai se totogi, fuafuaga fa'alilolilo mo le saogalemu, faufautua ma lagolago mo ituaiga uma o sauāga, e aofia ai sauāga i aiga ma sauāga tau feusua'iga. E mafai fo'i ona latou feso'ota'i atu oe i isi auaunaga o lo'o iai i le tou vaipanoa. Alu i le [1800respect.org.au/languages](https://1800respect.org.au/languages) mo nisi fa'amatalaga, fautuaga ma vitio i isi gagana.

**Lifeline****13 11 14**[lifeline.org.au](http://lifeline.org.au)

E aumai e le Lifeline i le 24 itula le lagolagosua i fa'afitauli ma auaunaga tau puipuiga mo tagata mai le pule i le ola i taimi e mana'omia vave ai se fesoasoani.

E mafai ona fesoasoani atu le ofisa lagolago tutotonu o le Lifeline i le 24 itula i:

- Mafauauga po'o taumafaiga e pule i le ola
- Fa'afitauli totino
- Sauāga ma ni manu'a
- Fa'amatalaga fesoasoani ia te oe lava mo uo ma aiga

Afai e lē mafai ona e tautala fa'a-Peretania ma mana'omia se fa'amatalaupū, mulimuli i nei fa'atonuga:

1. Vili le Translating and Interpreter Service (TIS) i le 131 450
2. Talosaga e talanoa i le Lifeline i le 13 11 14 i lau gagana.
3. O le a vili le TIS i le numera o le Lifeline ma fa'amatalaupū mo oe.
4. Fa'auuau lau talanoa ma le Lifeline ma le fa'amatalaupū TIS i luga o le laina.

*O le tau o le vili i le TIS o le tau lena o le vili mai laina telefoni fale. O nisi totogi fa'aopoopo e mo ni viliga mai telefoni feavea'i.*

Alu i le [tisonational.gov.au](http://tisonational.gov.au) mo nisi fa'amatalaga.

**Beyondblue****1300 22 4636**[beyondblue.org.au/get-support/get-immediate-support](http://beyondblue.org.au/get-support/get-immediate-support)

E ofo atu e le Beyondblue le 24 itula, e leai se togi ma lagolagosua fa'alilolilo mai polofesa agava'a mo le soifua maloloina o le mafauafau. E mafai ona latou fesoasoani e fa'ailoa mai pe afai ua e maua i le fa'anoanoa ma le popole, o tulaga e mafai ona togafitia.

Afai e te mana'omia se fesoasoani i le Gagana Peretania, e mafai ona maua fa'amatalaupū e aunoa ma se togi mai le ofisa o le Translating and Interpreting Service (TIS National) [tisonational.gov.au](http://tisonational.gov.au)

E aumai foi e le Beyondblue fa'amatalaga ma lagolagosua mo le soifua maloloina o le mafauafau i isi gagana. Asiasi i le [beyondblue.org.au/who-does-it-affect/multicultural-people/translated-mental-health-resources](http://beyondblue.org.au/who-does-it-affect/multicultural-people/translated-mental-health-resources).

**Saili se fesoasoani fa'aletulafono**

**Afai o le sauāga e fa'aaogāina ai ata o se vaega lea o le sauāga i aiga, e fa'amuumua lou nofo saogalemu.**

Talanoa i le 1800RESPECT, o leoleo po'o se ofisa loia, ina ia fa'amautinoa ua fa'atulaga sau fuafuaga saogalemu ae e te le'i talosagaina le aveeseina o ata.

Afai o sauāga e fa'aaogāina ai ata o lo'o tupu ia te oe, e ono eseese tulafono e fetau, e fa'alagolago lea i le setete po'o le teritori o lo'o e nofo ai. O le a mafai ona fautua atu se loia po'o ā ni au filifiliga.

E mafai foi ona e manatu e ave se lipoti i leoleo. Afai o e lagona e te lē o saogalemu, e te ono mana'omia se puipuiga fa'aletulafono e ala i le faia o se poloaiga tau puipuiga e taofia ai le tagata o lo'o sauāina oe mai:

- le tafa'amata'u ina fa'asoa atu ou ata matagā po'o vitio
- le alu atu ia te oe
- le feso'ota'i atu ia te oe
- le mataitūina po'o fea e te alu i ai ma po'o ā au mea o fai.

**Aoina fa'amaoniga**

O le fa'amaumauina ma le aoina o fa'amaoniga o le sauāga i le fa'aaogāina o ata e mafai ona fesoasoani lea ina ia fa'amaonia ai na tupu le solitulafono. O ni fa'amaoniga o sauāga e ala mai i faiga fa'atekonolosi e aofia ai:

- screenshots
- feau e sefe mai voicemail
- imeli e lolomi ma mea uma e tu'u i luga o feso'ota'iga televavave
- fa'amaumauga o mea na tutupu ua tusitusia i totonu o se tusi po'o se api o fa'amaumauga.

Mo nisi fa'amatalaga e uiga i le aoina o ni fa'amaoniga e mafai ona maua (i le Igilisi) i le eSafety- Women [esafety.gov.au/women/take-control/esafety-planning/collecting-evidence](http://esafety.gov.au/women/take-control/esafety-planning/collecting-evidence).